

Bouwe van der Eems

From: Bouwe van der Eems <bouwe@diemoot.net>
Sent: 09 Augustus 2012 09:28 PM
To: 'tyger@dieburger.co.za'
Subject: Tuisonderwys in Wes-Kaap

Geagte redakteur

In die Tygerburger van 8 Augustus het die Wes-Kaapse Onderwysdepartement 'n kennisgewing geplaas met die titel "Ken die feite oor tuisonderrig". In die kennisgewing word onder andere beweer dat ouers vir hulle kinders goedkeuring moet kry alvorens hulle met tuisonderwys begin, dat die kurrikulum wat gevolg moet word in lyn met die Nasionale Kurrikulumverklaring moet wees en dat leerders vanaf Gr.9 by 'n skool ingeskryf moet wees. Omdat baie ouers geskok was oor die kennisgewing, wil die Vereniging vir Tuisonderwys hierop reageer.

Volgens die grondwet dra die kind se belange die hoogste gesag in sake wat kinders betref. 'n Vereiste dat ouers moet goedkeuring kry voor hulle begin met tuisonderwys het egter niks te doen met die belange van die kind nie en is daarom ongrondwetlik. As ouers bv. in Januarie kies vir tuisonderwys, omdat hulle kind by die skool geboelie word, sou hierdie vereiste die gevolg hê dat die leerder vir die res van die jaar geboelie moet word, sodat die ouers voor 30 September kan aansoek doen om tuisonderwys te gee in die volgende jaar.

Regter Cynthia Pretorius het op 25 Maart 2011 in die hooggeregshof in Pretoria uitgespreek dat die nasionale kurrikulum nie bindend is vir onafhanklike skole en ouers wat tuisonderwys gee nie. Dit is dus onwettig om te vereis dat tuisleerders die nasionale kurrikulum moet volg.

Verder beweer die kennisgewing dat tuisleerders nie Gr. 9 tot Gr. 12 kan doen nie. Die gevolg hiervan is dat tuisleerders nie toegelaat kan word tot verdere onderwys nie. Die grondwet bepaal egter dat alle burgers die reg het tot verdere onderwys.

Baie vereistes wat die Weskaapse onderwysdepartement vir tuisonderwys stel is dus onwettig. Dit is omdat ouers die wet wil gehoorsaam, deur nie aan onwettige vereistes te voldoen nie, dat 90% van ouers hulle kinders nie vir tuisonderwys registreer nie. Ouers wat tuisonderwys oorweeg word aanbeveel om regsadvies te kry alvorens hulle hul onwetend verbind aan onwettige vereistes as hulle registreer. Ouers wat belangstel kan gerus die regsfonds vir tuisonderwys skakel.

Vriendelike groete



Bouwe van der Eems

Vereniging vir Tuisonderwys

Tel : 082 907 9696

Adres : Arendstraat 6, Amandelsig, Kuilsrivier, 7580

Epos : bouwe@tuisskolers.org

Web : www.tuisskolers.org